

CONCELLO DE XOVE

ACTA DA SESIÓN EXTRAORDINARIA E URXENTE, CELEBRADA POLO PLENO DO CONCELLO O DÍA 27 DE AGOSTO DE 2013.

ASISTENTES:

Alcalde-Presidente:

D. José Demetrio Salgueiro Rapa

Concelleiros:

D. Leandro Quelle Franco

D^a Ana María Abad López

D^a María Dolores Meitin Guerreiro

D. Marco López López

D. Alberto Santos Vázquez.

D. Manuel Angel Meitin Rouco

D^a M^a Rosario Balseiro López

D^a Cristina Iglesias Guerreiro

Secretario:

D. Luís María Fernández del Olmo

AUSENTES:

D. José Manuel López Hermida

D. José Manuel Balseiro Canoura

Na Casa Consistorial do Concello de Xove, sendo as once horas, do día vintasete de agosto de dous mil trece, baixo a presidencia do Sr. Alcalde-Presidente, D. José Demetrio Salgueiro Rapa, e coa asistencia dos señores Concelleiros á marxe relacionados e do Secretario D. Luís María Fernández del Olmo, procedeuse a celebra-la sesión extraordinaria e urxente, convocada para a hora e día da data.

Sendo a hora sinalada, polo Sr. Alcalde-Presidente, declarouse aberta a sesión, procedéndose ó debate e votación dos asuntos incluídos na orde do día.

1º.- PRONUNCIAMENTO DO PLENO SOBRE A URXENCIA DO ASUNTO INCLUÍDO NA ORDE DO DÍA.

Coa autorización da presidencia, por Secretaría dáse lectura ó decreto de convocatoria no que se reflicte a xustificación da urxencia do asunto incluído na orde do día.

Enterado, o Concello Pleno, por unanimidade dos seus membros asistentes á sesión acorda aos efectos do disposto no Art. 79 do R.D. 2568/1986 de 28 de novembro; aprecia-la urxencia do asunto incluído na orde do día da sesión.

2º) EXPEDIENTE DE MODIFICACIÓN DE CRÉDITO Nº 11/2013 POR IMPORTE DE 12.000€. APROBACIÓN INICIAL. ADOPCIÓN DE ACORDO.

Por Secretaría dáse conta ó Concello Pleno do expediente de modificación de crédito do epígrafe e da documentación e informes preceptivos, obrantes no expediente.

Dáse conta asimesmo da memoria da Alcaldía que a seguir se transcribe integramente:

MEMORIA XUSTIFICATIVA E PROPOSTA DE ALCALDÍA

JOSÉ DEMETRIO SALGUEIRO RAPA, Alcalde-Presidente do Concello de Xove,

No desenvolvemento e execución do Orzamento Municipal de gasto de capital, obsérvase a inexistencia de crédito no grupo de programa 172 do Estado de Gastos.

De conformidade coas disposicións vixentes, cando deba realizarse algún gasto para o que non exista crédito no Orzamento vixente ou sexan insuficientes as dotacións previstas, a Corporación poderá acordar a concesión de crédito extraordinario no primeiro dos casos, ou de suplemento de crédito para o segundo dos supostos. Dita modificación poderá atenderse, entre outros medios de financiación, co Remanente de Tesourería para Gastos Xerais derivado da Liquidación do exercicio anterior e que ascendeu a 2.123.723,11 euros, dos que 1.911.889,27 figuran dispoñibles.

A modificación que se propón refírese ao seguinte gastos e fundáméntase o seu carácter inaplazable nos seguintes argumentos:

- Dótase o crédito necesario para facer fronte á aportación municipal da axuda concedida pola Consellería de Presidencia como consecuencia do reparto do Fondo de Compensación Ambiental en concorrencia competitiva, para a adquisición de una desbrozadora de brazo lateral para a brigada municipal. (Proxecto 26/13)

A urxencia está xustificada en que a xustificación da axuda debe realizarse antes do 31 de outubro e resulta necesario proceder á contratación da desbrozadora por procedemento aberto.

| Partida | Denominación | Consign. Inic. + aumentos anteriores por proxecto | <u>AUMENTO</u> | Consignac. Final | <u>FINALIDADE</u> |
|----------------|---|--|-----------------------|-----------------------------|---|
| 172.623 | Protección e mellora do medio ambiente. Investimento en maquinaria | 0,00 | 12.000,00 | 12.000,00 | <u>ADQUISICIÓN DE UNA DESBROZADORA DE BRAZO LATERAL. (P. 26/13)</u> |
| TOTAL | | | 12.000,00 | 12.000,00 | |

O presente expediente finánciase con Remanente Líquido de Tesourería deducido da Liquidación do exercicio 2.012.

En base a esta memoria xustificativa, esta Alcaldía estima procedente tramitar o correspondente expediente de Crédito Extraordinario por importe de 12.000,00 euros nas partidas que corresponde, cuxos recursos se nutrirán con Remanente Líquido de Tesourería e somete á consideración do Concello Pleno a aprobación inicial do expediente nº 11/2013 de Modificación de Créditos por importe total de DOCE MIL (12.000,00 €)

Enterado, o concello Pleno, por unanimidade dos seus membros asistentes á sesión, acorda aprobar inicialmente o expediente de modificación de crédito 11/2013 do Orzamento Municipal de 2013 por importe de 12.000,00 € reflectido na proposta de Alcaldía anteriormente transcrita; sometelo ó preceptivo trámite de información pública por prazo de 15 días mediante anuncio a insertar no tableiro municipal de anuncios e a publicar no Boletín Oficial da Provincia de Lugo, sinalándose expresamente que no suposto da non presentación de alegacións ou reclamacións no citado prazo, o presente acordo entenderase automaticamente elevado a definitivo.

E sen mais asuntos que tratar, sendo as once horas e quince minutos, levántase a sesión, estendéndose a acta presente, de todo o que como Secretario, dou fé.

O ALCALDE,

O SECRETARIO,

Asdo: José Demetrio Salgueiro Rapa

Asdo: Luís María Fernández del Olmo

